

Ağapô se.

Olon plêyo esên e, mâna m',

Esî ômon t' emâthises me ontâ êmun mikrêsa, "Asîn yî os ton urano, asîn Dîsi os tin Anatolî çe asîn Vorya os ti Notia."

Âets êmatha na ağapô me ûlo tin kardîa m'. Ôtina ke na ağapo..

Ûla ap' esêna êmatha!

Ûla ôson eksêro...

Ûla nto lêğo çe nt' eftêğo.

Me ta 'ta nt' emâthises me: lâlo, yelô, sintişêno, trağodô çe ağapô.

Akôm ômon âr parafêro na lês me: Pulôpo m, kardôpo m', pşôpo m', mikrô arnôpo m', kortsôpo m', thağâtera m', pedôpo m' tsovôpo m', ağâpî m' çe ç'âla polâ.

Eğo sta Romêyika êmatha na agapiskûme çe na ağapo.

Eğo, me tesô to ômorfo ce to pogorevmêno ti glôssaa ethrâfa ê, mâna m'..

As t' ethrâfa ce âthen êmatha ûla avû ta ômorfa ta lôye nt' êsan Romêyika.

Ağapô se ê, mâna m'.

Îstaro ap esêna, eğo pa êmatha na ağapô çe na lêğo to lôğo "ağapô se" ts' âlus pû pedêkşesan ç' esevân sin kardîa m'.

Êmatha ç' âla ğlôssas, ama kamîa ğlôssa ôson tesô ti ğlôssa nôima uç îşen ya t' emên.

Eğô, ôlon plêyo tesô ti ğlôssa eğâpesa.

Ôlon plêyo ta Romêyika.

Nt' ômorfo en o lôğos "ağapô se", na lês a si mânas ti ğlossa, ts' arthôpus pu agapâs. ôson lês a' çarenterîz çe ôson mirêzis a' pifanîn s' athrepîyu tin kardîa apês.

Nt' ômorfo en na akûye kaynîs.

Nt' ômorfo en atô tu lôğu to esthîma, enpên as anthepiyu t' otî apês, kativên os tin kardîan at' çe ômon doksâri krûy si pşî at' ta xôrdas.

Ağapô se ê, mâna ğlôssa m', me ûla ta ômorfa ta lôyes.

E, mâna m, ûla nt' emâthises me ta lôye, eĝô pa emâthisa 'ta na aĝapûn' esên', emen' çe ts' ûlus. Na mathânun çe na dîĝun ômon esên, me tosô ti glôssa son Kôsmo môno aĝâpî.

N' aĝapûn' çe na ĝrâfun ôlon t' ômorfo to pîima nto uç eĝrâften kamîa ya ti mâna ĝlôssasa 'munâ ya ta Romêyika sa Romêyika.

Ya na akûĝun aso ômnosto ti glôssas ôlon to ômnosto to pîima, ta rumôĝlossa ta pedîas ta patsîdes çe ûla tu Kôsmu ta ĝardêle.

N' aĝapô se pânta êmana ĝlôssa m'!" ômon t' eĝapesa, aĝapô çe n' aĝapô pânta ti mâna m'.

Na aĝapô se pânta ômon ti mána m'.

"Asîn yî os ton urano, asîn Dîsi os tin Anatolî çe asîn Vorya os ti Notia."

Aĝapô sas Romêyika.